



Broj: 05-07-14-10779/09
Sarajevo, 03.11.2009. godine

PRIMLJENO:	06.11.2009		
Organizaciona jedinica	Klasifikaciona oznaka	Redni broj	Broj priloga
01-50-1-15-59/09			

PARLAMENTARNA SKUPŠTINA BOSNE I HERCEGOVINE
-Predstavnički dom-
n/r Ekrem Ajanović, poslanik

PREDMET: Odgovor na poslaničko pitanje
-dostavlja se,

Na 59. sjednici Predstavničkog doma Parlamentarne skupštine Bosne i Hercegovine, održanoj 2. septembra 2009. godine, poslanik Ekrem Ajanović postavio je Ministarstvu sigurnosti Bosne i Hercegovine i Ministarstvu pravde Bosne i Hercegovine sljedeće poslaničko pitanje:

«Dana 26./27.08.2009. godine u Jelahu Općina Tešanj izvršena je na grub način deložacija Beširević Huseina Dževahire i njene djece iz njene kuće. Ne ulazeći u nepravednu odluku suda postavljam sljedeća pitanja:

1. Po čijem nalogu je policija bez predočenja naloga, dan prije određene deložacije, upala u kuću imenovane tražeći navodno oružje?
2. Da li je policijska intervencija provedena po zakonskoj proceduri ili je prekoračila ovlaštenja?
3. Šta će nadležne institucije poduzeti da se intervencija uvede u zakonske procedure, ako se utvrdi prekoračenje ovlaštenja, šta će poduzeti prema vinovnicima?»

Ministarstvo pravde Bosne i Hercegovine zatražilo je odgovor na postavljeno poslaničko pitanje od Općinskog suda u Tešnju, kojom prilikom su dostavljena pismena izjašnjenja postupajućih sudija u navedenom predmetu, sudije Bekrić Hidajete vezano za deložaciju i sudije Ajanović Besime vezano za izdavanje naredbe za pretres, te shodno istim daje se sljedeći

ODGOVOR

Bekrić Hidajeta kao postupajući sudija u izvršnom predmetu tražioca izvršenja Ćorić Fikreta, protiv izvršenika Beširević r. Čamdžić Dževahire i dr. radi predaje u posjed nepokretnosti (broj predmeta: 039-0-I-06-002413), izdala je nalog sudskom izvršiocu da provede izvršenje (radnje izvršenja oslobađanja predmetne nekretnine od lica i stvari i predaje u posjed kupcu Ćorić Fikretu). Istim nalogom određen je datum i vrijeme provođenja izvršenja i to

25.08.2009. godine u 10,00 sati. Imenovana nadalje navodi da je Zahtjev od 13.08.2009. godine, kao postupajući sudija uputila Odjeljenju sudske policije ZE-DO kantona i tražila da se dana 25.08.2009. godine u 10,00 sati obezbjedi dovoljan broj sudskih policajaca, koji će pomoći sudskom izvršiocu u provođenju izvršenja tj. asistenciju sudske policije u izvršenju koje će provoditi sudski izvršilac.

Zapovjednik Odjeljenja sudske policije sudova u ZE-DO kantonu Zenica, dana 21.08.2009. godine uputio je Općinskom sudu u Tešnju Zahtjev za izdavanje naredbe za pretresanje iz koga proizilazi da :

Shodno Zahtjevu Općinskog suda u Tešnju, broj 039-0-I-06-002413 od 27.07.2009. godine, poduzete su određene aktivnosti na pripremi provođenja rješenja o izvršenju, odnosno deložacije porodice Beširević Dževahire iz Jelaha, kom prilikom su došli do saznanja da će pri eventualnom pokušaju predmetnog izvršenja, a uz upotrebu naprava pogodnih za eksploziju, minsko-eksplozivnih naprava ili vatrenog oružja, sa ciljem onemogućavanja provođenja izvršenja, doći do ugrožavanja sigurnosti izvršitelja suda, ovlaštenih službenih osoba sudske policije, kao i drugih osoba koje se u vrijeme provođenja izvršenja-deložacije zateknu u objektu ili neposrednoj blizini objekta koji je predmet izvršenja-deložacije.

Zapovjednik Odjeljenja sudske policije u Zahtjevu navodi da je prilikom prethodnih pokušaja provođenja rješenja o izvršenju-deložacije (dana 01.06.2009. godine i 22.06.2009. godine) od strane Beširević Dževahire i više osoba koje su bliži srodnici imenovane dolazilo do ometanja izvršenja i ozbiljnih prijetnji koje ukazuju na mogućnost eventualnog ugrožavanja sigurnosti ovlaštenih službenih osoba sudske policije, te drugih osoba koje se u vrijeme provođenja izvršenja-deložacije zateknu u objektu ili neposrednoj blizini objekta koji je predmet deložacije, na način da je u terminu provođenja izvršenja od strane istih osoba u unutrašnjem dijelu i na balkonu objekta koji je predmet izvršenja postavljeno nekoliko plinskih boca pripremljenih za paljenje i eventualnu eksploziju, te napravljeno više molotovljevih koktela kojim bi se u slučaju pristupanja izvršenju ugrozili životi ovlaštenih službenih osoba sudske policije, što se jasno vidi iz video zapisa koji se odnosi na pokušaj provođenja izvršenja dana 22.06.2009. godine.

Nadalje se navodi da su u postupku operativnih priprema provođenja rješenja o izvršenju službenici sudske policije došli do saznanja iz kojih proizilazi ozbiljna namjera porodice Beširević da u slučaju pokušaja provođenja rješenja o izvršenju ugroze živote ovlaštenih službenih osoba kao i svoje vlastite živote, za što su navodno pripremili određena eksplozivna i druga sredstva, a što je evidentno iz službene zabilješke službenika sudske policije Višić Samira i Skramonćin Borislava, broj Sp-02-POV-70/09. od 18.08.2009. godine, kao i službene zabilješke sudije Općinskog suda u Tešnju Bekrić Hidajete, od 19.08.2009. godine u kojoj se potvrđuje izjava najmlađe kćerke Beširević Dževahire da će u slučaju da dođe do izvršenja bombom raznijeti i sebe i svoje dijete.

Zapovjednik Odjeljenja sudske policije u Zahtjevu takođe ističe da su službenici sudske policije došli do saznanja da je Beširević Dževahira sa više pomagača, a u cilju spriječavanja eventualnog provođenja rješenja o izvršenju, pri novom pokušaju provođenja rješenja o izvršenju, pripremila naprave pogodne za eksploziju, minsko eksplozivne naprave ili vatreno oružje kako bi se ugrozili životi sudskog izvršitelja, ovlaštenih sudskih osoba sudske policije i drugih osoba koje se zateknu u objektu prilikom provođenja izvršenja.

Radi navedenog zapovjednik Odjeljenja sudske policije Zahtjevom od suda zatražio je da se u cilju eventualnog pronalaska i oduzimanja predmeta pripremljenih za aktiviranje i eksploziju, eksplozivnih naprava i vatrenog oružja kojim bi se eventualno ugrozila sigurnost osoba koje provode rješenje o izvršenju izda naredba za pretresanje stana i ostalih prostorija koje se nalaze u naselju Jelah (ulica Titova bb), Općina Tešanj, a u kojim trenutno stanuju Beširević Dževahira i kćerke imenovane sa svojim porodicama, odnosno Semira Beširević, Amira Bećar rođena Beširević, Adisa Hasić rođena Beširević, uključujući i ugostiteljski objekat koji se nalazi u sastavu objekta (prizemno) i motorna vozila koja imenovane osobe koriste, kao i izdavanje naredbe za pretresanje osoba koje se u datom momentu eventualno zateknu u predmetnim prostorijama.

Pored naprijed navedenog, u Zahtjevu je predloženo da se shodno odredbama člana 69. stav 2. ZKP-a F BiH, izvršenje naredbe o pretresu odobri u bilo koje vrijeme i bez prethodne predaje naredbe, odnosno prethodne najave, te je istaknuto da je sa sadržajem Zahtjeva upoznat tužilac Kantonalnog tužilaštva u Zenici, koji je dao svoju saglasnost za podnošenje istog. Zahtjev je dostavljen Općinskom sudu u Tešnju, a uz Zahtjev je dostavljen video zapis sa pokušaja izvršenja od 22.06.2009. godine, službena zabilješka sudske policije od 18.08.2009. godine i službena zabilješka sudije Općinskog suda u Tešnju od 19.08.2009. godine.

Postupajući po zahtjevu podnosioca, Ajanović Besima sudija za prethodni postupak Općinskog suda u Tešnju donijela je naredbu broj:039-0-KPP-09-000062 od 21.08.2009. godine, kojom se naređuje ovlaštenim službenim osobama Sudske policije F BiH odnosno Odjeljenju sudske policije ZE-DO Kantonu Zenica i Odjeljenju sudske policije sudova F BiH-interventno operativne jedinice Sudske policije F BiH Sarajevo pretres predmetnih prostorija u svrhu pronalaska i oduzimanja predmeta pripremljenih za aktiviranje i eksploziju eksplozivnih naprava i vatrenog oružja, te je naredbu dostavila Odjeljenju Sudske policije u Zenici.

Odjeljenje Sudske policije sudova u ZE-DO Kantonu Zenica je dana 28.08.2009. godine dostavilo Izvještaj o izvršenom pretresu sa zapisnicima o pretresanju stana, drugih prostorija i pokretnih stvari i potvrdama o oduzetim predmetima koje je Općinski sud u Tešnju dana 04.09.2009. godine dostavio Kantonalnom tužilaštvu Zenica.

Čini se važno navesti da Bekrić Hidajeta postupajući sudija u izvršnom predmetu ističe da su se prema zapisniku sudskog izvršioca koji je sačinjen dana 25.08.2009. godine na licu mjesta 25.08.2009. godine u 10,00 sati pojavila dva pozvana lica kao i pripadnici sudske policije. Izvršenje je započelo u zakazano vrijeme tj. 25.08.2009. godine u 10,00 sati i radnje izvršenja su provedene u skladu sa zakonom.

S poštovanjem,



prilog:

- akt predsjednika suda br:039-0-SUA-09-000281 od 13.10.2009.
- akt Bekrić Hidajete br:039-0-1-06-002413 od 08.10.2009.
- akt Ajanović Besime br:039-0-KPP-09-000062 od 13.10.2009.
- akt zapovjednika sudske policije br:Sp-04-POV-70-1/09 od 21.08.2009.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPCINSKI SUD U TEŠNJU
Broj, 039-0-SUA-09-000281
Dana, 13.10.2009. godine

MINISTARSTVO PRAVDE BiH
Sarajevo

Veza Vaš akt broj 05-07-14-10779/09 od 28.09.2009. godine

Vežano za Vaš akt broj i datum veze a tiče se poslaničkog pitanja poslanika Predstavničkog doma Parlamentarne skupštine BiH Ajanović Ekrema u prilogu Vam dostavljamo izjašnjenja postupajućih sudija u navedenom predmetu, sudije Bekrić Hidajete vežano za deložaciju i sudije Ajanović Besime vežano za izdavanje naredbe za pretres, koji postupci su slijed zakonskih postupaka suda u predmetnoj stvari.

Ne ulazimo u tehniku i način rada policije na terenu u pravcu pronalaženja oružja i minsko eksplozivnih sredstava po naredbi, jer je to u djelokrugu njihove organizacije te će komentar u tom pravcu izostati.

Smatramo neprimjernim navode poslanika, citiramo: "Ne ulazeći u nepravednu odluku suda" ... jer je to vid omalovažavanja pravosnažne i izvršne sudske odluke koja je prošla sve više sudske instance i koja se u svakoj pravnoj državi mora poštovati, bez obzira na subjektivni stav i mišljenja, a samim tim i izvršavati, jer bi izvršni postupak izgubio smisao i bio bespredmetan pri takvim razmišljanjima.

Iz zahtjeva za izdavanje naredbe za pretresanje i akata postupajućih sudija proizilazi da su navedene radnje u predmetnoj stvari bile nužne jer je riječ o izvršenju koje je mnogo puta odlagano a sve pretpostavke za njegovo izvršenje su ispunjene.

Smatramo da bi ne izvršenjem pravosnažnih i izvršnih sudskih odluka slali vrlo lošu poruku građanima, koji od sudova s pravom očekuju da se sudske odluke u kojima godinama vode sporove i izvršavaju.

Nažalost mnoge ostaju ne izvršene ili izvršenje predugo traje ne zbog nerada suda, jer dozvola izvršenja je jedna od najlakših radnji suda već zbog opstrukcija izvršenika i mnogih drugih faktora u daljem toku postupka.

Ističemo da se u predmetnoj stvari postupak vodi već deset godina i da je teza o žrtvi i oštećenoj strani uveliko zamjenjena jer druga strana s pravom može da bude nezadovoljna da ni poslije deset godina nije došla do ostvarivanja svog prava uprkos postojanju pravosnažne i izvršne odluke.


Umjesto da se predstavnici zakonodavne vlasti zalažu za brzo i efikasno pravosuđe, ovaj primjer govori suprotno a biće upotrijebljen izvjesno u klasičnoj političkoj retorici i za govornicom kao zalaganje za zakonitost u radu sudova, što očigledno nije i jedna je deklaratorna parola, jer se narodni poslanici nikada nisu bavili pojedinačnim i konkretnim sudskim predmetima.

Prilozi:

- Izjašnjenja sudija i
- Zahtjev za izdavanje naredbe za pretresanje

S poštovanjem,

PREDSJEDNIK SUDA
Popović Zdravko



Zapisnik: 13.10.2009.
u 9,30h**OPĆINSKI SUD U TEŠNJU**

Broj, 039-0-I-06-002413

Dana, 8.10.2009. godine

PREDSJEDNIKU OPĆINSKOG SUDA**TEŠANJ****PREDMET: Odgovor**

Kao postupajući sudija u izvršnom predmetu tražioca izvršenja Ćorić Fikreta, protiv izvršenika Beširević r. Čamdžić Dževahire i dr. radi predaje u posjed nepokretnosti (broj predmeta 039-0-I-06-002413, obavještavam Vas, a na vaše traženje (dopis od 6.10.2009. godine), da sam kao postupajući sudija izdala nalog sudskom izvršiocu da provede izvršenje (radnje izvršenja oslobađanja predmetne nekretnine od lica i stvari i predaja u posjed kupcu Ćorić Fikretu). Istim nalogom odredjen je datum i vrijeme provodjenja izvršenja i to **25.08.2009. godine u 10,00 sati**. Zahtjevom od 13.08.2009. godine koji sam uputila Odjelenju sudske policije ZE-DO kantona tražila sam da dana 25.08.2009. godine u 10,00 sati se obezbijedi dovoljan broj sudskih policajaca koji će pomoći sudskom izvršiocu u provodjenju izvršenja tj. asistenciju sudske policije u izvršenju koje će provoditi sudski izvršilac.

Prema zapisniku sudskog izvršioca koji je sačinjen dana 25.08.2009. godine na licu mjesta 25.08.2009. godine u 10,00 sati pojavila su se sva pozvana lica kao i pripadnici sudske policije. Izvršenje je započelo u zakazano vrijeme tj. 25.08.2009. godine u 10,00 sati. Radnje izvršenja su provedene u skladu sa zakonom.

Pretraživanje kuće koja je predmet izvršenja radi pronalaska oružja dan prije izvršenja nije radnja ovog izvršnog postupka pa ni pitanja koja se odnose na način izvršenja pretresa nisu iz nadležnosti sudije koji vodi izvršni postupak.



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINSKI SUD U TEŠNJU
Broj: 039-0-KPP-09-000062
Dana: 13.10.2009.godine

PREDSJEDNIKU SUDA

Poziv na broj: 039-0-SUA-09-000281.

PREDMET: Odgovor na akt Ministarstva pravde BiH broj 05-07-14-10779/09.
od 28.09.2009.godine, u vezi postavljenog poslaničkog pitanja.

Odjeljenje Sudske policije sudova u ZE-DO Kantonu Zenica Općinskom sudu u Tešnju dana 21.08.2009.godine, podnijelo je zahtjev sa priložima (video zapis sa pokušaja izvršenja od 22.06.2009.godine, službena zabilješka sudske policije od 18.08.2009.godine i službena zabilješka sudije Općinskog suda u Tešnju od 19.08.2009.godine) za izdavanje Naredbe za pretresanje stana i ostalih prostorija koje se nalaze u naselju Jelah-ul. Titova bb, općina Tešanj, u kojima stanuju Beširević Dževahira, Beširević Semira, Bećar r. Beširević Amira i Hasić r. Beširević Adisa sve iz Jelaha, te ugostiteljskog objekta koji se nalazi u prizemlju kao i motornih vozila, te osoba koje se u momentu pretresa zateknu u predmetnim prostorijama a u svrhu pronalaska i oduzimanja predmeta pripremljenih za aktiviranje i eksploziju eksplozivnih naprava i vatrenog oružja.


Na zahtjev za izdavanje Naredbe za pretresanje dao je saglasnost nadležni Kantonalni tužilac.

Postupajući po zahtjevu podnosioca, sudija za prethodni postupak ovog suda u skladu sa odredbama člana 71. i 72. Zakona o krivičnom postupku, donio je naredbu broj 039-0-KPP-09-000062 od 21.08.2009.godine, kojom se naredjuje ovlaštenim službenim osobama Sudske policije F BiH odnosno Odjeljenju sudske policije sudova u ZE-DO Kantonu Zenica i Odjeljenju sudske policije sudova F BiH-interventno operativne jedinice Sudske policije F BiH Sarajevo pretres predmetnih prostorija u svrhu pronalaska i oduzimanja predmeta pripremljenih za aktiviranje i eksploziju, eksplozivnih naprava i vatrenog oružja, te je istu dostavio Odjeljenju Sudske policije u Zenici.

Odjeljenje Sudske policije sudova u ZE-DO Kantonu Zenica je dana 28.08.2009.godine dostavilo Izvještaj o izvršenom pretresu sa zapisnicima o pretresanju stana, drugih prostorija i pokretnih stvari i potvrđama o oduzetim predmetima koje je ovaj sud dostavio Kantonalnom tužilaštvu Zenica dana 04.09.2009.godine.

Sudija za prethodni postupak

Ajanović Besima



Bosna i Hercegovina
Federacija Bosne i Hercegovine
VRHOVNI SUD
FEDERACIJE BOSNE I HERCEGOVINE
SUDSKA POLICIJA
Odjeljenje sudske policije sudova u Ze-Do kantonu
ZENICA

Broj: Sp-04-POV-70-1/09
Sarajevo, 21.08.2009.godine

OPĆINSKI SUD U TEŠNJU
Ul. Trg Alije Izetbegovića 11.
72 260 TEŠANJ

PREDMET: Zahtjev za izdavanje naredbe za pretresanje, - dostavlja se -;

Obavještavamo Vas da službenici Sudske policije Federacije Bosne i Hercegovine, odnosno Odjeljenja sudske policije sudova u Zeničko – dobojskom kantonu Zenica i Odjeljenja sudske policije sudova Federacije Bosne i Hercegovine – Interventno – operativne jedinice, shodno zahtjevu Općinskog suda u Tešnju, broj 039-0-I-06-002413 od 27.07.2009. godine, poduzimaju određene aktivnosti na pripremi provođenja rješenja o izvršenju, odnosno deložacije porodice Beširević Dževahire iz Jelaha, općina Tešanj, kojom prilikom smo došli do saznanja da će pri eventualnom pokušaju predmetnog izvršenja, a uz upotrebu naprava pogodnih za eksploziju (plinskih boca i molotovljevih koktela), minsko – eksplozivnih naprava ili vatrenog oružja, sa ciljem onemogućavanja provođenja izvršenja, doći do ugrožavanja sigurnosti izvršitelja suda, ovlaštenih službenih osoba sudske policije, kao i drugih osoba koje se u vrijeme provođenja izvršenja - deložacije zateknu u objektu ili neposrednoj blizini objekta koji je predmet izvršenja - deložacije.

Također, ovom prilikom Vas obavještavamo da je prilikom prethodnih pokušaja provođenja rješenja o izvršenju - deložacije (dana 01.06.2009. godine i 22.06.2009. godine) od strane Beširević Dževahire i više osoba koje su bliži srodnici imenovane dolazilo do ometanja izvršenja i ozbiljnih prijetnji koje ukazuju na mogućnost eventualnog ugrožavanja sigurnosti ovlaštenih službenih osoba sudske policije, te drugih osoba koje se u vrijeme provođenja izvršenja - deložacije zateknu u objektu ili neposrednoj blizini objekta koji je predmet deložacije, na način da je u terminu provođenja izvršenja od strane istih osoba u unutrašnjem dijelu i na balkonu objekta koji je predmet izvršenja postavljeno nekoliko plinskih boca pripremljenih za paljenje i eventualnu eksploziju, te napravljeno više molotovljevih koktela kojim bi se u slučaju pristupanja izvršenju ugrozili životi ovlaštenih službenih osoba sudske policije, što se jasno vidi iz video zapisa koji se odnosi na pokušaj provođenja izvršenja dana 22.06.2009. godine.


Nadalje, a u postupku operativnih priprema provođenja rješenja o izvršenju službenici sudske policije su došli do saznanja iz kojih proizilazi ozbiljna namjera porodice Beširević da u slučaju pokušaja provođenja rješenja o izvršenju ugroze živote ovlaštenih službenih osoba, kao i svoje vlastite živote, za što su navodno pripremili određena eksplozivna i druga sredstva, a što je evidentno iz službene zabilješke službenika sudske policije Višić Samira i Skramončin Borislava, broj Sp-02-POV-70/09 od 18.08.2009. godine, kao i službene zabilješke sudije Općinskog suda u Tešnju Bekrić Hidajete, od 19.08.2009. godine iz koje prizilazi izjava najmlađe kćerke Beširević Dževahire da će u slučaju da dođe do izvršenja bombom raznijeti i sebe i svoje dijete, koje zabilješke Vam dostavljamo u prilogu akta.

Imajući u vidu naprijed izneseno, te činjenicu da su u postupku priprema provođenja predmetnog izvršenja, službenici sudske policije došli do saznanja da je Beširević Dževahira sa više pomagača, a u cilju spriječavanja eventualnog provođenja rješenja o izvršenju, pri novom pokušaju provođenja rješenja o izvršenju, pripremila naprave pogodne za eksploziju (plinske boce i molotovljevi kokteli), minsko – eksplozivne naprave ili vatreno oružje, kako bi se ugrozili životi sudskog izvršitelja, ovlaštenih službenih osoba sudske policije i drugih osoba koje se zateknu u objektu prilikom provođenja izvršenja, ovim putem predlažemo da se u cilju eventualnog pronalaska i oduzimanja predmeta pripremljenih za aktiviranje i eksploziju, eksplozivnih naprava i vatrenog oružja kojim bi se eventualno ugrozila sigurnost osoba koje provode rješenje o izvršenju, shodno odredbi člana 65., člana 66., člana 67., člana 69., člana 71. i člana 72. ZKP F BiH, izda naredba za pretresanje stana i ostalih prostorija koje se nalaze u naselju Jelah (ulica Titova bb), Općina Tešanj, a u kojim trenutno stanuju Beširević Dževahira i kćerke imenovane sa svojim porodicama, odnosno Semira Beširević, Amira Bećar rođena Beširević i Adisa Hasić rođena Beširević, uključujući i ugostiteljski objekat koji se nalazi u sastavu objekta (prizemno) i motorna vozila koja imenovane osobe koriste, kao i izdavanje naredbe za pretresanje osoba koje se u datom momentu eventualno zateknu u predmetnim prostorijama.

Pored naprijed navedenog, predlažemo da se shodno odredbama člana 69. stav 2. ZKP-a F BiH, a iz razloga što obzirom na naprijed iznesene navode postoji mogućnost da i prilikom pokušaja pretresa može doći do ugrožavanja sigurnosti ovlaštenih službenih osoba, izvršenje naredbe o pretresu odobri u bilo koje vrijeme i bez predhodne predaje naredbe, odnosno predhodne najave.

Napominjemo da je u naredbi za pretresanje potrebno navesti da bi pretres izvršile ovlaštene službene osobe Sudske policije Federacije Bosne i Hercegovine, odnosno Odjeljenja sudske policije sudova u Zeničko – dobojskom kantonu Zenica i Odjeljenja sudske policije sudova Federacije Bosne i Hercegovine - Interventno – operativne jedinice Sudske policije Federacije Bosne i Hercegovine - Sarajevo, čija ovlaštenja za pretres proizilaze iz odredbi člana 21. tačka g. i člana 74. stav 1. Zakona o krivičnom postupku Federacije BiH, te odredbi člana 10. Zakona o sudskoj policiji ("Službene novine Federacije BiH", broj 19/96 i 37/04).

Također napominjemo da je sa sadržajem ovog zabilješka upoznat tužilac Kantonalnog tužilaštva u Zenici, koji je dao svoju saglasnost na podnošenje istog.



Potpis tužica

Prilog:

- video zapis sa pokušaja izvršenja dana 18.08.2009. godine;
- službena zabilješka službenika sudske policije Višić Samira i Skramončin Borislava, broj Sp-02-POV-70/09 od 18.08.2009. godine;
- službena zabilješka sudije Općinskog suda u Tešnju Bekrić Hidajete, od 19.08.2009. godine.

Co.:

- Uprava sudske policije Federacije BiH, n/r glavnog zapovjednika g-dina Edina Vehabovića;





Broj:02- 50-5055-8/09
Datum: 30.10.2009.godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 05. 11. 2009			
Organizaciona jedinica	Klasifikaciona oznaka	Redni broj	Broj priloga
01/a	-50-1-15-61/09		

PARLAMENTARNA SKUPŠTINA BIH
n/r predsjedavajućeg Predstavničkog doma

Predmet:Odgovor na poslaničko pitanje- urgencija,
dostavlja se,-

Veza: Akt broj: 01/a-50-1-15-61/09 od 09.10. 2009. godine

EKREM AJANOVIĆ, poslanik u Predstavničkom domu Parlamentarne skupštine Bosne i Hercegovine, na 59. sjednici Predstavničkog doma održanoj 02.09.2009. godine, postavio je sljedeće poslaničko pitanje:

„Dana 26/27.8.2009. u Jelahu, Opština Tešanj, na grub način izvršena je deložacija Dževahire(Huseina) Beširević i njene djece iz njene kuće. Ne ulazeći u nepravednu odluku suda, postavljam sljedeća pitanja:

- 1. Po čijem nalogu je policija bez predočenja naloga dan prije određene deložacije upala u kuću imenovane tražeći navodno oružje?**
- 2. Da li je policijska intervencija sprovedena po zakonskoj proceduri ili je prekoračila ovlašćenja?**
- 3. Šta će nadležne institucije preduzeti da se intervencija uvede u zakonske procedure, ako se utvrdi prekoračenje ovlašćenja, šta će preduzeti prema vinovnicima?“**

ODGOVOR

Od Ministarstva unutrašnjih poslova Zeničko-dobojskog kantona dobili smo sljedeće podatke:

- Dana 10.06.2009.godine Općinski sud u Tešnju je svojim aktom od 05.06.2009.godine obavijestio Policijsku stanicu IV u Tešnju, da će u mjestu Jelah, općina Tešanj, dana 22.06.2009. godine od strane sudskog izvršioca biti provedeno rješenje o izvršenju pomenutog suda u izvršnom postupku protiv izvršenika Beširević Dževahire. U cilju konkretizovanja naznačenih aktivnosti i utvrđivanju obaveza, u zgradi Općinskog suda u Tešnju je dana 16.06.2009. godine održan radni sastanak kojim je predsjedavao predsjednik naznačenog suda, i kojem su prisustvovali zapovjednik Odjeljenja sudske policije FBiH, zapovjednik Odjeljenja sudske policije Zeničko-dobojskog kantona i komandir Policijske stanice Tešanj, kojom prilikom je utvrđeno da će sudsko rješenje kojim se nalaže predmetna deložacija realizirati i izvršiti pripadnici sudske policije, u skladu sa rješenjem i direktnom nadležnosti sudske policije, dok će službenici policije u okviru svojih nadležnosti raditi na sprječavanju masovnog okupljanja građana, narušavanja javnog reda i mira u većem obimu te regulisanju saobraćaja .
- U skladu sa izdatim zaduženjima kao i zakonskim ovlaštenjima Policijska stanica Tešanj je bila zadužena za prikupljanje svih bezbjedonosno interesantnih saznanja, te je o naznačenim aktivnostima redovno obavještavala pripadnike sudske policije, koji su u naznačenim aktivnostima aktivno učestvovali, a nakon izvršene deložacije isti su obavijestili Policijsku stanicu Tešanj.

U vezi postavljenog pitanja poslanika Iškrena Ajanovića koje glasi „ Po čijem nalogu je policija bez predočenja naloga, dan prije određene deložacije, upala u kuću imenovane, tražeći navodno oružje“, obavještavamo Vas da policijski službenici Policijske stanice Tešanj nisu poduzimali bilo kakve radnje iz svoje nadležnosti u kući imenovane kao i u dvorištu iste, niti su pregledali i pretresali naznačenu lokaciju i objekte na istoj.

Predmetnu deložaciju su vršili pripadnici Odjeljenja sudske policije FBiH, zajedno sa pripadnicima Odjeljenja sudske policije Zeničko-dobojskog kantona i isti su dana 24.08.2009.godine oko 18,00 sati, bez predhodne najave Policijskoj stanici Tešanj otpočeli deložaciju odnosno izvršili su zauzimanje objekta, a o tome su nakon postupanja obavijestili putem faxes Policijsku stanicu Tešanj. Nakon što su izvršili zauzimanje objekta službenici sudske policije su obezbjeđivali kako vanjski, tako i unutrašnji dio objekta, te vršili pretresanje. U ovim radnjama službenici Policijske stanice Tešanj nisu učestvovali.

Dana 25.08.2009.godine u 10,00 sati izvršena je deložacija Beširević Dževahire i njene djece iz porodične kuće, koji su nakon toga, zajedno sa mještanima, blokirali magistralni put M-4 u neposrednoj blizini lica mjesta. Policijski službenici Policijske stanice Tešanj su odmah nakon izvršene blokade, pristupili organizaciji i uspostavljanju alternativnih putnih pravaca za odvijanje saobraćaja i te aktivnosti su poduzimane do deblokade magistralnog puta i uspostavljanja normalnog režima saobraćaja.

Drugim relevantnim činjenicama i podacima u vezi navedenog događaja i naznačenih aktivnosti raspolaže Odjeljenja sudske policije FBiH kao i Odjeljenja sudske policije Zeničko-dobojskog kantona. 1)

Pored dosljedne primjene pozitivnih propisa, obaveza ovog Ministarstva je i očuvanje javnog reda i mira kao i obezbjeđenje normalnog funkcionisanja svih institucija, subjekata i komunikacija u našem kantonu. Blokadama saobraćajnica, naročito magistralnih, funkcionisanje svih navećenih segmenata je u cjelosti ili djelimično onemogućeno a javni red i mir je narušen, i u tom kontekstu, policijski službenici Policijske stanice Tešanj su poduzimali mjere i radnje iz svoje nadležnosti na regulisanju i uspostavljanju alternativnih putnih pravaca a koje aktivnosti su uslijedile nakon blokade magistralnog puta M-4 u mjestu Jelah, koja je izvršena spornog dana, od strane članova deložirane porodice kao i mješтана.

Naravno da ovo Ministarstvo itekako razumije određene kategorije građana koje nemaju riješene statute i osnovna egzistencijalna pitanja, kada su primorani da radikalnim metodama rješavaju svoje životne probleme ali isto tako ne možemo ih podržati u određenim nezakonitim pojavama i aktivnostima kao što je blokada magistralnog puta, jer su nesagledive posljedice tih blokada a zakonom nam je stavljena u obaveza sprječavanje takvih aktivnosti.

1. Članom 18. Zakona o sudovima u Federaciji Bosne i Hercegovine („Službene novine FBiH“, broj:38/05), Vrhovni sud Federacije Bosne i Hercegovine je definisan kao najviši žalbeni sud u Federaciji. Članom 29. istog zakona je utvrđena stvarna nadležnost Vrhovnog suda Federacije BiH.

U okviru Vrhovnog suda FBiH radi sudska policija Federacije BiH. Ovlaštenja sudske policije FBiH propisana su odredbama člana 7. do člana 11. Zakona o sudskoj policiji („Službene novine FBiH“, broj:19/96 od 10.10.1996. godine i 37/04 od 10.07.2004. godine).

ZAMJENIK MINISTRA

Mijo Krešić

Sarajevo, Trg BiH 1; Tel: 033 213 686; Fax: 033 213 686

Сарајево, Трг БиХ 1; Тел: 033 213 686 ; Факс: 033 213 686